

173§

Lappi pue'rrvââjjamvuu'd e'tk'kõs sää'mkiõllsaž sosiaal- da tiõrvâsvuõttkääzkkõõzzi staanummuž vääras jurddum riikkveä'kkvuõđ meä'rest da tåimmamtäävttõõzzin ekka 2025

Lappi pue'rrvââjjamvuu'd vu'vddhalltõs 173 § 3.5.2023

Sää'mkiõl ohjjeemjoukk 25.4.2023 4 §

Vt. oou'deemšurr, sää'mkiõllsaž da kulttuurmeâldlaž kääzkkõõzz, Tuuli Miettunen da kääzkkõs-šurr, sää'mkiõllsaž da kulttuurmeâldlaž kääzkkõõzz, Mirja Laiti

Sää'mte'gğ lij 14.3.2023 raukkâm Lappi pue'rrvââjjamvuu'd tåaimted 5.5.2023 räjjä jii'jjesnallšem e'tk'kõõzz riikkveä'kkvuõđ meä'rest da tåimmamtäävttõõzzin sää'mkiõllsaž sosiaal- da tiõrvâsvuõttkääzkkõõzzi staanummuž da ooudâsviikkmoõžž vääras ekka 2025. (meâlddõs 1)

Riikk täällarvvlõõzzâst sosiaal- da tiõrvâsvuõttministeria vaaldâšmsue'rjest lij leämmaž ee'jjest 2002 ää'ljee'l jeä'rab riikkveä'kkvuõtt sää'mkiõllsaž sosiaal- da tiõrvâsvuõttkääzkkõõzzi staneem diõtt saa'mi dommvuu'dest (mome'ntt 33.60.36). Veä'kkvuõđ šorradvuõtt lij leämmaž ee'jj 2022 obbnes 562.000 eu'rred da tøn leä't miõttâm nu'tt, što tõt lij äâ'nnemnalla saa'mi dommvuu'dest tåaimid, koid čõõđtet Sää'mtee'gğ, Jeänõõgg, Aanar, Suä'djel da Uccjoogg koo'ddivuim rajjum suâppmoõžž meâlddsânji.

Ee'jjest 2023 ää'ljee'l riikkveä'kkvuõđ vuäžž äâ'ned riikkveä'kkvuõđ mä'hssem vääras sää'mtee'gğ pääi'k sää'mtee'gğgest uvddum lää'jj (974/1995) 4 §:st jurddum saa'mi dommvuu'd pue'rrvââjjamvuu'did sää'mkiõllsaž sosiaal- da tiõrvâsvuõttkääzkkõõzzi staneem da ooudâs viikkâm diõtt. Riikkveä'kkvuõtt lij juõkkum nõkam kääzkkõõzzi staanummuž da ooudâsviikkmoõžž vääras, koin čõõđtet Lappi pue'rrvââjjamvuu'dest jälsteei saa'mi kiõl'laž da kultuursaž vuõiggâdvuõđid sosiaal- da tiõrvâsvuõđhuâlast. Veä'kkvuõđ leä't miõttâm tåaim-meâldsânji. Lappi pue'rrvââjjamvu'vdd lij vuässõõttâm tåaimi teäggtummaša jii'jjes prosentuaal'laž mä'hssemvuäzzin suâppum teäggtemraami meâlddsânji.

Jii'jjesnallšem e'tk'kõs ee'jj 2025 riikkveä'kkvuõđ taarbâst Lappi pue'rrvââjjamvuu'dest tåimm vuâđđan Sää'mtee'gğ sosiaal- da tiõrvâsvuõttlu'vddkâdda, mii raajj Sää'mtee'gğ sâbba e'tk'kõõzz juõ'kkekksaž sosiaal- da tiõrvâsvuõttkääzkkõõsmie'rrtie'gğgest. Tää'r'kab sagstõõllmoõžž ee'jj 2025 riikkveä'kkvuõđ äânnmoõžžâst, meä'rest da Lappi pue'rrvââjjamvuu'd

jii'jjesteäggtemvuäzzin ää'net čähčča 2024.

Lappi pue'rrvââjjamvuu'd vaaldšemvuâkkööz 37§ mie'ldd sää'mkiöl lu'vddkää'dd tuâjj lij valmštööllâd vu'vddhalltö'sse e'tkkööz sää'mkiöllsaž sosiaal- da tiörvâsvuötkäâzzköözzi staanummuž vääras jurddum riikkveä'kkvuöđ ää'nnemtäävtöözsin.

Lappi pue'rrvââjjamvu'vdd lij tääimes alteem ääi'j pörggâm staanâd kääzzköözzi staani serddmööžž pue'rrvââjjamvoudda.

Sää'mkiöllsaž kääzzköözzi staanummuž vääras jurddum riikkveä'kkvuöđin riöššum kääzzköözz lie serddam pue'rrvââjjamvoudda tön hää'mest ko töid leä't koo'ddin čööđtam. Lappi pue'rrvââjjamvuu'd sää'mkiöllsaž da kulttuurmeâldlaž kääzzköözzi oudâsviikkmoš lij alggee'jjest 2023 ouu'dääm nu'tt, što pue'rrvââjjamvuu'dest leä't aiccâm taarbid e'tkköed muttsid sää'mkiöllsaž kääzzköözzi staanummuž vääras jurddum riikkveä'kkvuöđ ää'nnemtäävtöözsid ekka 2025. (meâlddös 2)

Kiött'tööllmööš Ristenrauna Magga e'tkkad, što e'tkköözžâst jaukkeet ööut psykogeriaatlaž puöccihoi'ddjeei da lââ'zztet tön sââ'jest ööut sää'mkiöllsaž pä'rnnpiârri piârvuä'pstei, što pä'rnnpiârri kääzzköözzid vää'ldčet pue'rben lokku pue'ttiäi'jest (meâlddös 3).

Sää'mkiöllsaž da kulttuurmeâldlaž kääzzköözzi kääzzkös-šurr Mirja Laiti lij seamma miölin, što sää'mkiöllsaž piârvuä'pstei toimmu le'čči tarbb.

E'tkkös Sää'mkiöl ohjjeemjoukk e'tkkad vu'vddhalltö'sse, što

1. vu'vddhalltös tu'mmai priimmâd meâlddösân âarra e'tkkööz sää'mkiöllsaž kääzzköözzi staanummuž vääras jurddum riikkveä'kkvuöđ ää'nnemtäävtöözsin ekka 2025.

Mottum e'tkkös Sää'mkiöl ohjjeemjoukk e'tkkad vu'vddhalltö'sse, što

1. vu'vddhalltös tu'mmai priimmâd meâlddösân âarra e'tkkööz sää'mkiöllsaž kääzzköözzi staanummuž vääras jurddum riikkveä'kkvuöđ ää'nnemtäävtöözsin ekka 2025 Ristenrauna Magga e'tkkääm muttsin.

Tu'mmstök Sää'mkiöl ohjjeemjoukk e'tkkad vu'vddhalltö'sse, što

1. vu'vddhalltös tu'mmai priimmâd meâlddösân âarra e'tkköözz sää'mkiöllsaž kääzkköözzi staanummuž vääras jurddum riikkveä'kkvuõđ ââ'nnetävtöözzin ekka 2025 Ristenrauna Magga e'tkkääm muttsin.

Vu'vddhalltös 3.5.2023 § 173

26.4.2023 Vt. ouu'deemšurr, sää'mkiöllsaž da kulttuurmeâldlaž kääzkköözz, Tuuli Miettunen

Lappi pue'rrvââjjamvuud vaaldšemvuâkköözz 37§ mie'ldd sää'mkiöl lu'vddkää'dd tuâjj lij valmštööllâd vu'vddhalltö'sse e'tkköözz sää'mkiöllsaž sosiaal- da tiörvâsvuõttkääzkköözzi staanummuž vääras jurddum riikkveä'kkvuõđ ââ'nnetävtöözzin.

Sää'mkiöl ohjjeemjoouk vuâzzlaid leä't raukkâm tääimted keerjlânji e'tkköözzez ođđ tääimin da ânn'jõž tääimi muuttâstarbin 12.4.2023 mõõnee'st. Ohjjeemjoukk lij kiõtt'tööllâm e'tkköözz sää'mkiöllsaž sosiaal- da tiörvâsvuõttkääzkköözzi staanummuž vääras jurddum riikkveä'kkvuõđ ââ'nnetävtöözzin seminaarestes 18.4.2023 da sâbbrestes 25.4.2023. Sää'mkiöl ohjjeemjoouk tu'mmstöõgg meâldlaž e'tkkös vu'vddhalltö'sse sää'mkiöllsaž sosiaal- da tiörvâsvuõttkääzkköözzi staanummuž vääras jurddum riikkveä'kkvuõđ ââ'nnetävtöözzin ekka 2025 lij meâlddösân (meâlddös 2).

Meâlddöözz Meâlddös 1 131.D.a.5.2023. E'tkkösraukmõš pue'rrvââjjamvu'vdd
Meâlddös 2 Vu'vddhalltö'sse Sää'mkiöllsaž kääzkköözzi riikkveä'kkvuõtt 2025

E'tkkös **Pue'rrvââjjamvu'vddjäâ'dteei**

Vu'vddhalltös tu'mmai priimmâd meâlddösân âarra e'tkköözz sää'mkiöllsaž kääzkköözzi staanummuž vääras jurddum riikkveä'kkvuõđ ââ'nnetävtöözzin ekka 2025.

Lää'ssteâđ Tuuli Miettunen
vt. ouu'deemšurr, sää'mkiöllsaž da kulttuurmeâldlaž
kääzkköözztuuli.miettunen@lapha.fi
te'l. 040 484 2676